

ծարար: Մասնաւորապէս Արեւելքից վերադարձող զօրախմբները անբաւ հարստութեամբ էին մուտք դործում Հոռոմ ու նրանց յաղթական թափօրների մէջ Հոռոմի ընչաքաղց ու զուարճասէր ամբոխին ամենից աւելի հրապուրողը հերոսի բերած աւարի բազմադանութիւնն ու առատութիւնն էր: Անշուշտ, այս բախտաւոր հրամանատարները՝ իրենց անձը նոյնպէս չէին մոռանում: Լուկուլլոս ու Պոմպէոս այս տեսակէտից շատ հետաքրքիր օրինակներ են:

Ահա այս հաղարամեայ Հոռոմն էր՝ զայլի ստիճանները ծծած, կատաղի ախորժակով առնադորոյն, որ ռազմապէս, քաղաքականապէս ու պետականօրէն կուռ կողմով շարժուեց մեր Տիգրան Մեծի վրայ՝ առաջին դարի առաջին կէսին (Ն.Ք.): Զճարիտ է. Հայաստան այդ ժամանակ հզօր աշխարհակալ պետութիւն էր եւ Տիգրան Բ. կայսր էր հայոց կամ Արքայից Արքայ, ինչպէս կոչուում էր նա այդ ժամանակ: Եւ նա կարողացել էր արդէն զինու զօրութեամբ իր կայսերական գայիսոնի տակ առնել իր չորս կողմի բազմաթիւ ազգերը: Ծորթել էր Պարթեւներից արքայից-արքայ տիտղոսը, հնազանդեցրել էր յոյն, հրեայ, սելեւկացի, արաբ եւ մետացի, ինչպէս եւ կովկասեան բազմաթիւ խաժամութիւններ: Կովկասեան լեռնաշղթայից եւ Կասպից ծովից մինչեւ Եկբատան (Համադան), Միջագետք, Սիւրիա, Պաղեստին եւ Կապադովկիա ձգուող բոլոր երկիրները միացած էին Հայաստանին՝ Մեծն Տիգրանի միահեծան իշխանութեան տակ:

«Այս Արքայից-Արքան, — ասում է Պլուտարքոս, — որ այնպէս հզօր է, որ խլել է Ասիան Պարթեւներից, որ ամբողջ յոյն քաղաքներ փոխադրել է մինչեւ Մեդիա, որ հպատակեցրել է Պաղեստինն ու Սիւրիան, բնաջնջել է սելեւկիացիների յաջորդներին եւ նրանց կին ու աղջիկներին գերի է տարել»*):

«Նա՝ Տիգրանը, — շարունակում է Պլուտարքոս, — շատ չնչին միջոցներով կարողացաւ հնազանդեցնել բազմաթիւ ազգեր եւ նւաաստացնել Պարթեւների պետութիւնը, ինչպէս երբեք մինչեւ այդ որեւէ այլ իշխան չէր կարողացել անել: Տիգրան բնակեցրեց Միջա-

դետքը յոյներով՝ տեղահան անելով նրանց Կիլիկիայից, Կապադովկիայից եւ վաչկատուն արարներին հանեց իրենց բնակավայրերից ու հաստատեց իր սահմաններում առեւտուրին ծառայեցնելու համար»**):

Այնուհետեւ, ինչ որ ասում է Պլուտարքոս Տիգրանի պալատական կեանքի եւ դերի թագաւորների մասին, որոնցից չորսը իբր թէ ստրուկի պէս ծառայում էին նրան, թւում է հէքեաթ, որի նպատակն է հայ կայսրը ներկայացնել մի արեւելեան կատաղի բռնակալ:

Այստեղ, ինչպէս եւ ուրիշ շատ դէպքերում խօսողը պատմաբանը չէ, այլ աշուտ մէկը, որ իբրեւ յոյն հանդուրժել չի կարողանում Տիգրանի տիրապետութեան՝ մասնաւոր յոյների վրայ: Այնեղբէ է, նաեւ որ Պլուտարքոս չափազանցելով Տիգրանի զօրութիւնը ճշմունք է աւելի չճշմանող դարձնել նրա պարտութիւնը ու աւելի կիզիչ՝ կրած նուաստացումի կսկիծը եւ աւելի մեծ՝ տարած յաղթութեան արժէքը: Փաստն այն է սակայն, որ որչափ եւ իրապէս հզօր լինէր Տիգրան Արեւելքում Պարթեւների եւ Փոքր Ասիոյ վրայ, նրա հիմնած կայսրութիւնը տակաւին մանուկ էր Հոռոմի հետ համեմատած: Նրա ընկճած եւ հրապատակեցրած ազգերը մեծ մասամբ բարբարոս խաժամութիւններ՝ իսպառ զուրկ էին պետական ըմբռնումներից: Իսկ աւելի քաղաքակրթ թրւած յունական եւ հրէական տարրերը՝ նրան քոլարկուած թշնամի:

Հոռոմը երեւի վաղուց էր աշխատել ներքուստ քանդել Տիգրանի պետութիւնը, քանի որ Պլուտարքոս որոշակի խօսում է հոռոմէական կուսակցութեան մասին Հայաստանում: Այսպէս, Ապպիուս, որ պատգամաւոր էր գնում Լուկուլլոսից դէպի Տիգրան՝ Միհրդատին պահանջելու, կարողացաւ իր ճամբին շատ հեշտութեամբ գրաւել հոռոմալսադէմների կողմը շատ թագաւորներ, որոնք դժկամակ էին Տիգրանի իշխանութիւնից:

«Բազմաթիւ նոր տիրապետած քաղաքներ, — ասում է Պլուտարքոս, — ծածկարար պատգամաւորներ ճամբեցին Ապպիուսի մօտ, որ նրանց խոստացաւ Լուկուլլոսի օգնութիւ-

*) Պլուտարքոս, հատոր Բ. էջ՝ 516:

**) Պլուտարքոս, հատոր Բ. էջ՝ 526: